

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-54/26
Vareš, 02.04. 2026. godine

Z A P I S N I K
sa 13. sjednice Općinskog vijeća Vareš,
održane 27.02. i 04.03. 2026. godine

Predsjedavajući OV Igor Šimić pozdravio je sve prisutne.

Predsjedavajući OV Vareš je pozvao vijećnika Ahmedović Dinu, kojem je CIK-a dodijelila mandat da pristupi davanju svečane izjave. Predsjedavajući OV Vareš je pristupio čitanju teksta **Svečane izjave**, a vijećnik Ahmedović Dino je dao, a nakon toga i potpisao **Svečanu izjavu**.

Vijećnik Ahmedović Dino je potpisao i Izjavu o upoznavanju i prihvatanju Etičkog kodeksa u budućem radu.

Prisutni vijećnici: Andrej Malbašić, Amela Mešić, Asim Balta, Asmir Čizmo, Dario Dodik, Denis Kovačević, Dino Ahmedović, Dževad Mahmutović, Edin Ibrišimović, Igor Hinger, Igor Šimić, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Nema.

Predsjedavajući OV konstatira da Vijeće može raditi jer ima kvorum za rad sjednice.

Predsjedavajući OV otvorio je 13. sjednicu s početkom u 14.30 sati u velikoj sali Općine Vareš.

Pored vijećnika sjednici prisustvuju: Malik Rizvanović, v.d. općinskog načelnika; Mersad Đido, sekretar OV; Ermin Musa, pomoćnik načelnika; Ibrahim Spahić, pomoćnik načelnika; Mervana Hajrić, pomoćnik načelnika; Stela Terzić, šef Odsjeka za finansije i trezor; Velida Džafo, sanitarni inspektor; Dragan Orozović, ispred Službe za privredu, finansije i trezor; rukovodilac PJ Elektrodistribucija Vareš, Adi Mlivić i predstavnici medija.

Mersad Đido, sekretar OV izvijestio je prisutne da je na 12. sjednici OV održanoj 29.12. 2025. godine, Vijeće donijelo tri (3) zaključka, jedan (1) zaključak je djelomično realizovan, dva (2) zaključka su u toku realizacije. Postavljeno je osam (8) vijećničkih pitanja, na pet (5) pitanja dat je odgovor pisanim putem a na tri (3) pitanja nije dostavljen odgovor.

Malik Rizvanović v.d. općinskog načelnika pod aktuelnim pitanjima nije imao obraćanje.

adresa: Zvijezda 34, 71330Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

(Izjašnjavanje vijećnika o dobivenom odgovoru)

Zdravko Barkić

Moje pitanje je bilo upućeno pisanim putem i nisam dobio odgovor, barem ga nema u materijalu koji smo dobili.

Da li je u periodu od 01.12. 2025. godine do izbora novog općinskog načelnika došlo do prijema novih radnika u administraciju Općine. Želim da mi se odgovori na ovo pitanje do naredne sjednice Općinskog vijeća. (Vijećnik Zdravko Barkić je povukao ovo vijećničko pitanje, sa konstatacijom da je pitanje vijećnika Dodik Daria opširnije, a da se odnosi na istu tematiku, pitanje pod rednim brojem 3.)

Dario Dodik

Moje vijećničko pitanje na prethodnoj sjednici bilo je da mi se dostavi Zapisnik o primopredaji, vezano za dugovanja i nisam ga dobio. Imamo oprečne izjave o iznosu dugovanja. Možemo li napokon dobiti napismeno koliko je dugovanje vezano i za razgraničenje i za obaveze prema dobavljačima i za doprinose na plaću radnicima.

(Vijećnička pitanja i Inicijative)

Igor Hinger

1. Moje pitanje je upućeno prema Policijskoj stanici Vareš. Koliko su do sada kamiona zaustavili koji su bili prljavi, koji su iznosili blato na cestu, koji nisu prekriveni na propisan način u 2025. godini i koliko su eventualno izrekli kazni za navedeno? Da nam dostave informaciju o navedenom do naredne sjednice Općinskog vijeća.
2. Prije otprilike 3 mjeseca na sastanku sa novim vlasnicima DPM BH d.o.o. Vareš, dobili smo obećanje da će izvršiti određene radnje na području općine Vareš. Mene interesuje da li je krenula realizacija tih obećanja, a ako nije, zašto nije?

Dario Dodik

3. Imam informacije da su neke osobe primljene u radni odnos u JU Centar za kulturu i edukaciju, a u međuvremenu da rade u Općini Vareš. Tražio bih od datuma koji je naveo vijećnik Zdravko Barkić (01.12. 2025. do izbora novog općinskog načelnika) ali do današnjeg dana, koliko osoba je primljeno u općinsku administraciju, ko je potpisao rješenja o postavljenju, koliko osoba je primljeno u JU Centar za kulturu i edukaciju i koliko je osoba primljeno eventualno na Ugovor od djelu i ko je potpisao njihova rješenja, naravno ovo sve sa datumom njihovog postavljenja?

Šaban Ibrišimović

4. Tražim da mi se do naredne sjednice Općinskog vijeća u tabelarnom prikazu dostave gotovi projekti Jedinice za upravljanje lokalnim razvojem. Da se dostave po projektima, zadacima i po oblastima.

Igor Šimić

5. Želim da nadležna služba, komunalno-građevinski inspektor uputi dopis privatnim firmama koje se bave građevinarstvom, a koje egzistiraju na području općine Vareš (Zagarski potok i kod Centralne radionice), da poštuju odredbe (kao što smo tražili i od DPM BH d.o.o. Vareš) da prije izlaska njihovih kamiona na javni put iste operu. Imali smo situaciju gdje se uzaludno prala prometnica, jer su navedeni kamioni na čistu prometnicu iznijeli sve ono što se prethodno opralo.

Inicijative

Igor Hinger

1. Da Općinski načelnik i svi vijećnici (koji imaju mogućnost lobiranja na više nivoe) pokušaju dogovoriti sastanak sa Elektroprivredom BiH, odnosno sa onim direktorima koji su nadležni za infrastrukturu u Varešu. Da se krene sa zamjenom bandera i da se u sjevernom djelu općine Vareš (od tunela pa na dalje) krene sa ugradnjom podzemnih kablova. **(Inicijativa podnesena usmenim putem)**

Dario Dodik

2. Da Općinsko vijeće donese zaključak o povlačenju suglasnosti za koncesiju za istraživanje plemenitih metala na lokalitetu Šaški do. Istim zaključkom da se obavijesti i Vlada ZDK da ne može samoinicijativno produžavati rokove iz već zaključenih koncesionih ugovora, te da za svako produženje mora pribaviti saglasnost Općine Vareš. **(Inicijativa podnesena pisanim putem)**

Zdenko Franjić

3. Da se zahtijeva obustava svih radova Vareških minerala dok se ne napravi nulto testiranje stanovništva Duboštrice i Tribije. **(Inicijativa podnesena pisanim putem).**

Zdravko Barkić

4. Da se izvrši revidiranje svih ugovora o najmu općinskih stanova jer je očigledno da cijene najma nisu u skladu sa Općinskom odlukom o visini zakupnine stanova u vlasništvu Općine Vareš. **(Inicijativa podnesena pisanim putem)**

Igor Šimić

5. Da se izradi popis svih garaža koje su u vlasništvu Općine Vareš sa imenima svih trenutnih korisnika, visinom naknade koju trenutno plaćaju i dugovanjima po ovom osnovu. **(Inicijativa podnesena pisanim putem)**

Predsjedavajući OV stavio je na raspravu Zapisnik sa 12. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 12. sjednice OV i nakon izjašnjavanja vijećnika konstatuje da je **sa 18 glasova „ZA“ i 1 „SUZDRŽANIM“ glasom usvojen Zapisnik sa 12. sjednice OV.**

Predsjedavajući OV stavio je na raspravu prijedlog dnevnog reda 13. sjednice OV koji je usaglašen na Kolegiju Općinskog vijeća.

Predsjedavajući OV uz pojašnjenje predložio je izmjenu redoslijeda tački dnevnog reda (tačka 8. „Informacija o poduzetim aktivnostima u vezi povećane koncentracije olova u krvi stanovništva općine Vareš“ da bude tačka 1.)

Predsjedavajući OV stavio je prijedlog na izjašnjavanje i nakon izjašnjavanja vijećnika konstatuje da je **sa 19 glasova „ZA“ usvojen prijedlog.**

Nije više bilo učesnika i predsjedavajući OV stavio je na izjašnjavanje prijedlog dnevnog reda **13. sjednice OV** sa prihvaćenom izmjenom redoslijeda tački dnevnog reda i nakon izjašnjavanja vijećnika konstatuje da je **sa 19 glasova „ZA“ usvojen sljedeći**

Dnevni red

1. Informacija o poduzetim aktivnostima u vezi povećane koncentracije olova u krvi stanovništva općine Vareš.
Izvjestilac: Velida Džafo.
2. Problemi u snabdijevanju električnom energijom na području općine Vareš.
Izvjestilac: Predstavnici Elektrodistribucije Zenica i PJ Vareš.
3. Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2025. godinu.
Izvjestilac: Ermin Musa.
4. Prijedlog Odluke o izmjeni Odluke o privremenom korištenju državnog zemljišta-javnih površina na području općine Vareš.
Izvjestilac: Ermin Musa.
5. Prijedlog Odluke o raspodjeli sredstava za političke stranke i nezavisnu vijećnicu u Općinskom vijeću Vareš iz Budžeta Općine Vareš za 2026. godinu.
Izvjestilac: Sekretar OV
6. Prijedlog Odluke o izmjeni Odluke o subvencioniranju mjesečne karte učenika vozara MSŠ „Nordbat-2“ Vareš sa područja općine Vareš.
Izvjestilac: Mervana Hajrić.
7. Izvještaj/Izvešće o realizaciji Programa rada Općinskog vijeća Vareš za 2025. godinu.
Izvjestilac: Sekretar OV.

8. Izvještaj o realizaciji Programa finansiranja komunalnih djelatnosti u 2025. godini
Izjestilac: Ermin Musa.
9. Informacija o provedenim aktivnostima u oblasti poljoprivrede na području općine Vareš za 2025. godinu.
Izjestilac: Dragan Orozović.
10. Tekuća pitanja.

Ad. 1.

(Informacija o poduzetim aktivnostima u vezi povećane koncentracije olova u krvi stanovništva općine Vareš)

Velida Džafo podsjetila je vijećnike da im je dostavljena Informacija o poduzetim aktivnostima u vezi povećane koncentracije olova u krvi stanovništva općine Vareš za mjesec januar i februar 2026. godine. U svom obraćanju upozнала je prisutne da je Općina Vareš shodno nastaloj situaciji i smjernicama Instituta za zdravlje i sigurnost hrane Zenica, izradila Akcioni plan zdravstvene zaštite stanovništva po kojem su realizovane aktivnosti utvrđivanja potencionalnih izvora kontaminacije prisustva olova u krvi stanovnika. Urađene su analize vode sa izvorišta, česmi i sa privatnih izvorišta (većina rezultata je bila na zadovoljavajućem nivou), uzeti su uzorci analize mlijeka i ti rezultati nisu pokazali detekciju olova. Također su vršene analize na poljoprivrednim kulturama (krompir, mrkva, jabuka i tikva) u mjesnim zajednicama Pržiči, Daštansko i Mir kao i u mjesnim zajednicama koje bi mogle da budu izložene kontaminantima (Dabravine, Kokošćići, Budoželje). Jedino je u tikvi sa područja MZ Daštansko pronađena prekogranična količina olova. Rezultati analize kvaliteta zraka su na zadovoljavajućem nivou s tim da je preporuka da se ponovo postave kolektori mjerenja kvaliteta zraka u trajanju od tri mjeseca i tada će se imati pravi parametri. Napomenula je da će se na svim analizama vršiti kontinuirani monitoring. Upozнала je prisutne da će se sljedeće sedmice održati radni sastanak grupe na koji će biti pozvani predstavnici federalnog i kantonalnog ministarstva zdravstva, predstavnici Instituta za zdravlje i sigurnost hrane Zenica, Kantonalne bolnice Zenica i predstavnici radne grupe iz Akcionog plana. Shodno Akcionom planu prioritet je angažiranje stručnjaka toksikologa.

Otvorena je rasprava u kojoj su učestvovali vijećnici: Igor Hinger (*upoznao je Vijeće da je prisustvovao sastanku u JU Dom zdravlja Vareš na kojem je predloženo da se ispred OV uputi zahtjev za sastanak federalnom i kantonalnom premijeru, federalnom i kantonalnom Ministarstvu zdravstva, direktoru Zavoda za sigurnost hrane ZDK i svim nadležnim a sve u cilju provođenja konkretnih radnji*), Dino Ahmedović (*kao predsjednik MZ Daštansko i član Radne grupe pohvalio je dosadašnje aktivnosti grupe i iznio kritike na nadležne sa viših nivoa vlasti, predložio je da se izvrši pritisak na više nivoe vlasti i da se krene u pravcu angažovanja međunarodnog ljekarskog tima kako bi se krenulo sa konkretnim radnjama u vezi rješavanja nastalog problema zbog povećane koncentracije olova*), Dario Dodik (*tražiti od federalnih institucija da objave zvanične referentne vrijednosti, tražiti od federalnog i kantonalnog Ministarstva zdravstva da finansiraju nabavku potrebne opreme za testiranje stanovništva na prisustvo teških metala u JU Dom zdravlja Vareš i uposliti kvalificirano osoblje za te poslove, potrebno je izvršiti testiranje vode na olovo iz gradskih vodovoda, traži hitno testiranje dehidriranog mulja koji je odlagan na deponiju „Kota“, skrenuo je pažnju na negativan uticaj situacije koju je prouzrokovalo stanje sa povećanom koncentracijom olova a koja se odrazila na poslovanje ugostitelja, privrednika i svih ostalih koji posluju na području općine Vareš*), Zdravko Barkić (*skrenuo je pažnju da nisu samo mjesne zajednice koje su najbliže rudniku ugrožene nego je ugrožen grad i sve ostale mjesne zajednice, istakao je da*

Vijeće mora biti jedinstveno i insistirati da institucije ozbiljno shvate problem sa olovom te tražiti da se detektuju mjesta gdje dolazi do kontaminacije zemljišta i zraka, traži da se u informacijama o analizi vode, tla, zraka, povrća i sl. navedu referentne vrijednosti), Nikola Šimić (mišljenja je da treba alarmirati, odnosno uputiti dopis svim institucijama koje su nadležne za rješavanje nastale situacije, predložio je da se ispred Općine, odnosno Općinskog vijeća osnuje jedan fond koji će materijalno pomagati stanovnike koji imaju prisustvo olova u krvi a koji su u potrebi za daljnjim ljekarskim pretragama, u fondu bi sudjelovala Općina Vareš ali većim dijelom kompanija koja vrši eksploataciju na području općine Vareš), v.d. općinskog načelnika Malik Rizvanović (mišljenja je da je problem veći i dublji nego što se diskutuje na Vijeću i slaže se da su ugostitelji, poljoprivrednici, pčelari i mnogi drugi pretrpjeli ekonomski gubitak zbog nastale situacije i poziva sve federalne i kantonalne nadležne institucije da izvrše testiranje kako bi se moglo krenuti sa konkretnim mjerama u rješavanju nastale situacije), sanitarni inspektor Velida Džafo (dala je odgovor vijećniku Barkić Zdravku da svi rezultati analiza su dostupni u Stručnoj službi OV i o svim rezultatima su obaviješteni članovi Radne grupe, Kantonalna uprava za inspekcijske poslove i osobe kod kojih su uzimati uzorci, u vezi pitanja vijećnika Nikole Šimić upoznala je prisutne da je već Fondacija u saradnji sa JU Dom zdravlja Vareš ponudila svoju pomoć gdje će se osigurati prevoz i liječenje), Andrej Malbašić (uz pojašnjenje skrenuo je pažnju na potrebu medijskog izvještavanja analiza sa akcentom na nalaze poljoprivrednih kultura kod kojih nije detektovano prisustvo olova), sanitarni inspektor Velida Džafo (izjavila je da osobe kod kojih su uzimati uzorci poljoprivrednih kultura ako žele mogu objaviti rezultate, upoznala je prisutne da će Općina Vareš zbog poljoprivrednih proizvođača ući u saradnju sa Federalnim zavodom za poljoprivredu gdje će se od strane Vlade FBiH finansirati besplatan monitoring analize na teške metale svih poljoprivrednih kultura), Edin Ibrišimović (skrenuo je pažnju na olovne cijevi za vodu), Zdravko Barkić (replika), Dario Dodik (replika), Igor Hinger (predložio je da Vijeće donese Zaključak kojim se traži od federalnog i kantonalnog premijera, federalnog i kantonalnog Ministarstva zdravstva da u što kraćem roku dođu u Vareš i da konkretno kažu šta treba uraditi i da se postupi po tome i Zaključak po kojem će Općina Vareš probati medijski promovisati rezultate na hranu koji nisu pokazali prisustvo olova) i Velida Džafo (replika).

Zaključena je rasprava i predsjedavajući OV konstatuje da je **Vijeće primilo k znanju**

Informaciju o poduzetim aktivnostima u vezi povećane koncentracije olova u krvi stanovništva općine Vareš.

Predsjedavajući OV dao je pauzu u trajanju od 10 minuta kako bi Kolegij OV usaglasio Zaključak koji bi bio upućen prema višim nivoima vlasti.

Nakon pauze predsjedavajući OV stavio je na izjašnjavanje usaglašeni prijedlog

Zaključka

- 1. Općinsko vijeće Vareš insistira da svi koji su pozvani na sastanak od strane Općine Vareš na kojem će se razgovarati o problemu prisustva olova u krvi kod građana općine Vareš, istom obavezno prisustvuju.**
- 2. Općinsko vijeće Vareš traži od nadležnih da ozbiljno pristupe rješavanju problema olova u krvi kod građana općine Vareš kao i negativnih posljedica koje ima Općina Vareš, građani, poljoprivrednici i svi drugi subjekti na njenom području.**
- 3. Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen predloženi Zaključak.**

Ad. 2.
(Problemi u snabdijevanju električnom energijom na području općine Vareš)

Rukovodilac PJ Elektrodistibucija Vareš Adi Mlivić u svom obraćanju upoznao je prisutne o sistemu napajanja električnom energijom općine Vareš. Općina Vareš ima veliku elektrodistibutivnu mrežu (oko 171 km srednjenaponske mreže i 294 km niskonaponske mreže) i veliki problem u prekidu napajanja električnom energijom su prirodni uslovi (snijeg, vjetar). Problem je i zaštitni pojas koji većim dijelom prolazi kroz šume što predstavlja dodatni problem održavanja gdje Elektroprivreda zakonski ne smije održavati/širiti trasu zaštitnog pojasa održavanja. Iznio je podatke vezano za prekide napajanja električnom energijom u mjesecu januaru i februaru tekuće godine. Naglasio je da se većina nestanaka desila zbog obilnih snježnih padavina i zbog visine snijega a samim tim i nepristupačnosti terena bez napajanja električnom energijom određena područja su bila duže nego uobičajeno. U februaru mjesecu dešavalo se ispadanje prekidača na trafo stanici TS 110 Vareš u više navrata što je dovelo do prekida napajanja električnom energijom područje cijele PJ Elektrodistibucije Vareš. U vezi s tim PJ Elektrodistibucija Vareš intervenisala je kod viših nivoa i ukazala na problem i nakon toga je izvršeno interventno podešavanje zaštite u TS 110 Vareš. Izvijestio je prisutne da je cijena za postavljanje 1 km srednjenaponskog podzemnog kablovskog voda 135.000 KM, 1 km nadzemnog visokonaponskog voda 117.000 KM a 1 km zračne mreže 91.000 KM. To su prosječne cijene bez projektovanja rješavanja imovinsko-pravnih odnosa. Ulaganja u određene radove koji su bili planirani nije moguće realizovati zbog donošenja Zakona o raspolaganju državnom imovinom i dok se to ne riješi Elektrodistibucija ne može dobiti nikakva prava i saglasnosti za rad na zemljištu koje je upisano kao državna svojina.

Otvorena je rasprava u kojoj su učestvovali vijećnici: Igor Hinger (*upoznao je prisutne o vremenu trajanja prekida napajanja električnom energijom - MZ Vijaka, Krčevine, Radoševići, Ivančevo, Tribija, mišljenja je da je jedino trajno rješenje da se pokrene priča o uvođenju podzemne instalacije i u vezi s tim sugerise da se u narednom periodu inicira sastanak sa nadležnim osobama iz Elektroprivrede i da isti uvrste u svoje višegodišnje planove izmjenu naponskih vodova*), Dario Dodik (*uz pojašnjenje postavio je pitanje kako je napravljen vod do Borovice ako se smije nigdje na državnom zemljištu?*), Zdenko Franjić (*skrenuo je pažnju na dalekovode koji prolaze kroz MZ Strica-Zaruđe i probleme sa kojima se susreću mještani zbog prekida napajanja električnom energijom, potrebno je uraditi podzemne vodove*) i predsjedavajući OV Igor Šimić (*postavio je pitanje vezano za česte nestanke električne energije na jednoj strani grada, da li su nestanci uvjetovani sa ostalim nestancima ili je razlog lokalni karakter npr. kvar trafo stanica ili ista nije u funkciji?*), rukovodilac PJ Adi Mlivić (*u svom obraćanju dao je odgovore na postavljena pitanja te izjavio da je PJ Elektrodistibucija Vareš spremna na svaku suradnju sa Općinom Vareš i sa građanima*).

Vijećnik Igor Hinger predložio je sljedeći

Zaključak:

- 1. Općinsko vijeće Vareš obavezuje Općinskog načelnika da iskoristi sve svoje političke veze i da u sljedeća tri mjeseca proba dogovoriti sastanak sa odgovornim i nadležnim osobama iz JP Elektroprivrede Zenica koji odlučuju o investicijama.**
- 2. Na sastanku prezentirati problem napajanja električnom energijom na području općine Vareš i potrebnom investicijom za ugradnju podzemnog kabla.**

3. Općinski načelnik će upoznati Vijeće da li je sastanak održan i ako jeste koji su rezultati sastanka.

Nije bilo rasprave po predloženom Zaključku i predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **18 glasova „ZA“** (odsutan vijećnik Šaban Ibrišimović) **usvojen predloženi Zaključak.**

Predsjedavajući OV zbog kolega koji poste, predložio je da se današnji rad sjednice završi u (17.10 sati) i da se nastavak 13. sjednice OV zakaže za srijedu 04.03. 2026. godine u 12.00 sati.

Nije bilo rasprave i predsjedavajući OV konstatuje da je jednoglasno prihvaćen predloženi prijedlog i da je **nastavak 13. sjednice Općinskog vijeća Vareš zakazan za srijedu 04.03. 2026. godine sa početkom u 12.00 sati.**

Nastavak 13. sjednice OV od 04.03. 2026. godine.

Prisutni vijećnici: Andrej Malbašić, Amela Mešić, Asim Balta, Asmir Čizmo, Dario Dodik, Denis Kovačević, Dino Ahmedović, Dževad Mahmutović, Edin Ibrišimović, Igor Hinger, Igor Šimić, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Nema.

Pored vijećnika sjednici prisustvuju: Malik Rizvanović, v.d. općinskog načelnika; Mersad Đido, sekretar OV; Ermin Musa, pomoćnik načelnika; Ibrahim Spahić, pomoćnik načelnika; Mervana Hajrić, pomoćnik načelnika; Stela Terzić, šef Odsjeka za finansije i trezor; Dragan Orozović, ispred Službe za privredu, finansije i trezor i predstavnici medija.

Predsjedavajući OV nastavio je sa radom 13. sjednice s početkom u 12.00 sati u velikoj sali Općine Vareš.

Ad. 3.

(Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2025. godinu)

Komisija za statutarna pitanja i propise na 11. sjednici održanoj 24.02. 2026. godine jednoglasno je donijela sljedeći Zaključak:

- Da se u Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2025. godinu u preambuli poslije broja „25/03“ dodaju brojevi „16/04“ i poslije broja „67/05“ dodaju brojevi „94/18“, te se ista upućuje Vijeću na razmatranje.

Predsjedavajući OV upoznao je Vijeće da je ovlaštenu predlagač prihvatio stav Komisije.

Otvorena je rasprava u kojoj je učestvovao vijećnik Dario Dodik koji je iznio svoje mišljenje da je prevelika cijena za našu općinu, odnosno za potencijalne investitore i da treba razmotriti mogućnost smanjenja cijene.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2025. godinu.

Nakon izjašnjavanja vijećnika predsjedavajući OV konstatuje da je **sa 16 glasova "ZA", 1 glasom "PROTIV" i 1 "SUZDRŽANIM" glasom** (odsutan vijećnik Dževad Mahmutović) **usvojena**

Odluka o prosječnoj konačnoj građevinskoj cijeni m² korisne stambene površine na području općine Vareš za 2025. godinu.

Ad.4.

(Prijedlog Odluke o izmjeni Odluke o privremenom korištenju državnog zemljišta-javnih površina na području općine Vareš)

Komisija za statutarna pitanja i propise na 11. sjednici održanoj 24.02. 2026. godine jednoglasno je donijela sljedeći Zaključak:

- Da se u Prijedlog Odluke o privremenom korištenju zemljišta-javnih površina na području općine Vareš u preambuli poslije broja „67/05“ dodaju brojevi „94/18“ da se u članu 1. briše broj „32“ i doda novi broj „31“ te se ista upućuje Vijeću na razmatranje.

Ermin Musa ispred predlagača izjavio je da prihvata stav Komisije i dao je dodatno pojašnjenje za ovu tačku dnevnog reda.

Otvorena je raspravu kojoj su učestvovali vijećnici: Zdravko Barkić (*postavio je pitanje zašto je obuhvaćena samo III i IV zona*), Dario Dodik (*mišljenja je da je i ova naknada previsoka i da istu treba smanjiti, predložio je da se ova tačka povuče sa dnevnog reda i da se ista ne razmatra, te da se izradi nova odluka u kojoj treba smanjiti naknade pogotovo za ugostitelje kad su ljetne bašte u pitanju*), Zdenko Franjić (*izjavio je da Klub SDP neće podržati ovu tačku dnevnog reda u obliku koji je dostavljan, smatra da je povećanje od 100% preveliko*), Igor Hinger (*podržava mišljenje kolega da se tačka povuče sa dnevnog reda, mišljenja je da su prevelike naknade i za održavanje kulturnih i sportskih manifestacija*), pomoćnik načelnika Ermin Musa (*dao je pojašnjenje vijećniku Barkić Zdravku da I i II zone u gradu nema, izjavio je da prihvata da naknada za postavljene ljetnih bašta ostane kao i do sada da se ne ide sa povećanjem, a za ostalo da ostane kao što je i navedeno u prijedlogu Odluke koji su vijećnici dobili*), Zdravko Barkić (*uz pojašnjenje predložio je da se prijedlog Odluke vrati ovlaštenom predlagaču na doradu sa nekim realnijim cijenama i da na narednoj sjednici OV još jednom se preispitaju sve pozicije koje su planirane u prijedlogu*), Andrej Malbašić (*ispred Kluba HDS predložio da se Odluka vrati ovlaštenom predlagaču na izmjenju*), Dario Dodik (*izjavio je da ne prihvata izjašnjenje pomoćnika načelnika da se neće povećati naknada za postavljanje ljetnih bašta-član 16., a da za ostale koji privremeno koriste državno zemljište hoće*) i v.d općinskog načelnika Malik Rizvanović koji je kao ovlašten predlagač izjavio da prihvata da se ova tačka vrati na doradu i da se izvrši korekcija cijena.

Predsjedavajući OV konstatuje da se Prijedlog Odluke o izmjeni Odluke o privremenom korištenju državnog zemljišta-javnih površina na području općine Vareš vraća predlagaču na doradu, da se izvrši korekcija cijena vodeći računa o iznesenim stavovima vijećnika i da se Vijeću dostavi za narednu sjednicu.

Ad.5.

(Prijedlog Odluke o raspodjeli sredstava za političke stranke i nezavisnu vijećnicu u Općinskom vijeću Vareš iz Budžeta Općine Vareš za 2026. godinu)

Komisija za statutarna pitanja i propise na 11. sjednici održanoj 24.02. 2026. godine jednoglasno je donijela sjedeći Zaključak:

- Komisija nema primjedbi na Prijedlog Odluke o raspodjeli sredstava za političke stranke i nezavisnu vijećnicu u Općinskom vijeću Vareš za 2026. godinu te je upućuje Vijeću na razmatranje.

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*predložio je da se zbog finansijske situacije u Općini, političke stranke odreknu sredstava u korist sanacije Budžeta*), Dario Dodik (*izjavio je da kao nestranački kandidat u Klubu vijećnika SDP podržava prijedlog Barkić Zdravka, postavio je pitanje u vezi naziva odluke koji se odnosi na formulaciju "nezavisna vijećnica"*), sekretar OV Mersad Đido (*dao je pojašnjenje vijećniku Dodik Dariu da je u skladu sa odredbom Poslovnika o radu OV navedena "nezavisna vijećnica" u nazivu odluke, u vezi prijedloga da se političke stranke odreknu sredstava u korist Budžeta mišljenja je da o prijedlogu treba zatražiti mišljenje stranaka zastupljenih u OV*), Dario Dodik (*predložio je da se stranke izjasne o prijedlogu*), Semir Memić (*izjavio je da kao vijećnik ne može odlučivati u ime stranke i da treba stranka da održi sastanak i donese odluku po ovom prijedlogu, da se Prijedlog odluke povuče sa dnevnog reda*), Zdravko Barkić (*replika*), Nermin Hrvat (*izjavio je da vijećnici Kluba SDA ne mogu donijeti odluku nego na Izvršnom odboru stranke može se donijeti odluka da li se politička stranka odriče sredstava*), Semir Memić (*replika*), Zdravko Barkić (*predložio da se ova točka povuče sa dnevnog reda za narednu sjednicu dok se političke strane ne konsultuju i dobijemo njihov stav*), Asmir Čizmo (*mišljenja je da vijećnici i političke stranke treba da se fokusiraju na namicanje sredstava kroz projekte i da planirana sredstva za političke stranke nisu prevelika i da vijećnici ne gube vrijeme na stvari koje je propisao neki viši organ*) i Dario Dodik (*replika*).

Predsjedavajući OV dao je pauzu u trajanju 5 minuta zbog konsultacija predsjednika Klubova vijećnika u vezi zauzimanja stavova.

Nakon pauze predsjedavajući OV je upoznao Vijeće da su Klubovi zauzeli stav da se tačka dnevnog reda stavi na izjašnjanje.

U daljnjoj raspravi je učestvovao vijećnik Dario Dodik (*skrenuo je pažnju da isplata sredstava za političke stranke zavisi od rezultata izjašnjanja vijećnika*).

Predsjedavajući OV zaključio je raspravu i stavio je na izjašnjanje Prijedlog Odluke o raspodjeli sredstava za političke stranke i nezavisnu vijećnicu u Općinskom vijeću Vareš iz Budžeta Općine Vareš za 2026. godinu.

Nakon izjašnjanja vijećnika predsjedavajući OV konstatuje da je sa **11 glasova „ZA“, 5 glasova „PROTIV“ i 2 „SUZDRŽANA“ glasa** (odsutan vijećnik Dževad Mahmutović) **usvojena**

Odluka o raspodjeli sredstava za političke stranke i nezavisnu vijećnicu u Općinskom vijeću Vareš iz Budžeta Općine Vareš za 2026. godinu.

Vijećnik Dario Dodik javio se za riječ i uz pojašnjenje izjavio je da će tražiti izmjene Poslovnika o radu OV koje će se odnositi na način izrade Zapisnika sa sjednica Vijeća u kome bi trebalo da se unesu i podaci o tome kako se vijećnici izjašnjavaju po tačkama dnevnog reda (ko je bio protiv, za ili suzdržan).

Vijećnik Asmir Čizmo ukazao je na povredu Poslovnika o radu OV jer je predsjedavajući OV dao riječ vijećniku Dodik Dariu nakon što je zaključena rasprava i traži da se izlaganje vijećnika Dodik Daria briše iz Zapisnika.

Ad.6.

(Prijedlog Odluke o izmjeni Odluke o subvencioniranju mjesečne karte učenika vozara MSS „Nordbat-2“ Vareš sa područja općine Vareš)

Komisija za statutarna pitanja i propise je na 11. sjednici održanoj 24.02. 2026. godine jednoglasno usvojila sljedeći Zaključak:

- Komisija nema primjedbi na Prijedlog Odluke o izmjeni Odluke o subvencioniranju mjesečne karte učenika vozara MSS „Nordbat-2“ Vareš sa područja općine Vareš, te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*predložio je da se sufinansiranje prevoza učenika sa 80% poveća na 100% i da to povećanje ne mora nužno biti finansirano od Općine Vareš jer Federalno ministarstvo raspisuje javne pozive za sufinansiranje prevoza učenika srednjih škola i da nadležna općinska služba treba da prati te javne pozive i da obavijeste učenike vozare sa područja općine Vareš da se prijave na javni poziv, uz pojašnjenje izjavio da bi trebalo razmišljati na način da svi učenici koji pohađaju našu srednju školu dobiju određeni procent sufinansiranja i oni učenici koji žive u drugim općinama i da to pravo imaju samo učenici koji nemaju loše vladanje*), pomoćnik načelnika Mervana Hajrić (*izjavila je da ukoliko Vijeće smatra da treba prihvatiti prijedlog vijećnika Hinger Igora da djeca koja imaju loše vladanje ne mogu ostvariti pravo na sufinansiranje prevoza treba ići sa izmjenom člana 3. Odluke o sufinansiranju mjesečne karte učenika vozara MSS „Nordbat-2“ Vareš sa područja općine Vareš broj: 01-14/21 od 14.01.2021. godine*), Zdravko Barkić (*izjavio je da nadležne općinske službe trebaju biti upućenije u određene aktivnosti i dešavanja viših nivoa vlasti nego jedan vijećnik*), Asim Balta (*podsjetio je prisutne da je Klub vijećnika Naprijed BiH uložio amandman na Nacrt Budžeta za 2026. godinu da subvencioniranje prevoza učenika bude 80% i zamolio je vijećnike da se danas izjasne po prijedlogu odluke u formi koja je dostavljena a da u narednom periodu urade se određene izmjene ili dopune temeljne odluke*), pomoćnik načelnika Mervana Hajrić (*skrenula je pažnju da nakon eventualnog usvajanja ove tačke dnevnog reda nadležna Služba ima obavezu donijeti rješenja za svakog učenika pojedinačno a u slučaju da odluka ne bude donesena na današnjoj sjednici subvencioniranje mjesečnih karti mora se odložiti do usvajanja odluke*), Igor Hinger (*dao je pojašnjenje u vezi svog prijedloga po kojem učenici sa lošim vladanjem ne bi mogli ostvariti pravo na subvencioniranje prevoza*), Dario Dodik (*izjavio da će Klub SDP podržati ovu tačku dnevnog reda i predložio da Vijeće donese Zaključak da nadležna Služba pripremi izmjenu Odluke o sufinansiranju mjesečne karte učenika vozara MSS „Nordbat-2“ Vareš sa područja općine Vareš broj: 01-14/21 od 14.01. 2021. godine u kojoj će uvrstiti kriterij da učenici sa lošim vladanjem imaju pravo na subvenciju prevoza od 50%*) i v.d. općinskog načelnika Malik Rizvanović (*izjavio je da će se potruditi da od naredne školske godine sufinansiranje bude 100% i da treba ići u pripremu nove odluke za narednu*

školsku godinu vodeći računa o svim aspektima, uz pojašnjenje izjavio je da prvenstveni cilj treba bude zaštita škole u Varešu) i Igor Hinger (replika).

Zaključena je rasprava i predsjedavajući OV stavio je na izjašnjavanje Prijedlog Odluke o izmjeni Odluke o subvencioniranju mjesečne karte učenika vozara MSŠ „Nordbat-2“ Vareš sa područja općine Vareš.

Nakon izjašnjavanja vijećnika predsjedavajući OV konstatuje da je sa **18 glasova “ZA”** (odsutan vijećnik Dževad Mahmutović) **usvojena**

Odluka o izmjeni Odluke o subvencioniranju mjesečne karte učenika vozara MSŠ „Nordbat-2“ Vareš sa područja općine Vareš.

Ad.7.

(Izveštaj/Izvešće o realizaciji Programa rada Općinskog vijeća Vareš za 2025. godinu.)

Sekretar OV Mersad Đido dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik koji je dao osvrt na obrazloženja koja se odnose na realizaciju zaključaka, odnosno na obrazloženja o razlozima zbog kojih neki zaključci nisu realizovani sa akcentom na zaključke sa 3. sjednice OV koji se odnose na zimsko održavanje. Traži da u narednom Izveštaju obrazloženja o realizaciji Zaključaka budu preciznija i detaljnija, da se navede razlog zbog kojeg neki zaključak nije realizovan. Zamolio je vijećnike da budu aktivniji u radu sjednica Vijeća.

Zaključena je rasprava i predsjedavajući OV stavio je na izjašnjavanje Izveštaj o realizaciji Programa rada Općinskog vijeća Vareš za 2025. godinu.

Nakon izjašnjavanja vijećnika, predsjedavajući OV konstatuje da je sa **17 glasova “ZA”**, **1 glasom „PROTIV“** i **1 „SUZDRŽANIM“ glasom usvojen**

Izveštaj/Izvešće o realizaciji Programa rada Općinskog vijeća Vareš za 2025. godinu.

Ad. 8.

(Izveštaj o realizaciji Programa finansiranja komunalnih djelatnosti u 2025. godini)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*mišljenja je da se za ubuduće treba planirati razmatranje ovakvih izvještaja uz Izveštaj o realizaciji budžeta, skrenuo je pažnju na stanje gradske higijene i iznos planiranih i utrošenih sredstava za gradsku čistoću*), v.d. općinskog načelnika Malik Rizvanović (*upoznao je prisutne da je u toku izrada programa za čišćenje i uređenje zelenih površina u gradu, pranje ulica će biti nastavljeno nakon što firma „Ame“ izvrši čišćenje posipnog materijala*), Igor Hinger (*uz pojašnjenje skrenuo je pažnju na iznalaženje načina kako da zelene površine ostanu čiste nakon uređenja i mogućnost sankcionisanja nesavjesnih građana*) i Dario Dodik (*postavio*

pitanje općinskim službama „ako Zakon o komunalnim djelatnostima propisuje kome može biti povjeren neki posao iz komunalnih djelatnosti kako je došlo do angažovanja privatnih firmi za određene usluge?“, predložio je da se u buduće u Izvještaju navedu izvođači koji su angažovani jer za neke radove nisu navedeni, skrenuo je pažnju na sadnice u gradu i utrošena sredstva na reparaciju parkovskih klupa, uz pojašnjenje predložio je da se za tekuću godinu izvrši nabavka klupa po povoljnim cijenama, uz pojašnjenje predložio je da se od Direkcije za ceste ZDK traži izdvajanje gradskog održavanja iz regionale i da se dodijeli nekom drugom izvođaču).

Zaključena je rasprava i predsjedavajući OV stavio je na izjašnjavanje Izvještaj o finansiranju komunalnih djelatnosti za 2025. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 2 glasa „PROTIV“ usvojen**

Izvještaj o realizaciji Programa finansiranja komunalnih djelatnosti u 2025. godini.

Ad. 9.

(Informacija o provedenim aktivnostima u oblasti poljoprivrede na području općine Vareš za 2025. godinu)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je Vijeće primilo k znanju

Informaciju o provedenim aktivnostima u oblasti poljoprivrede na području općine Vareš za 2025. godinu.

Ad.10.

(Tekuća pitanja)

Predsjedavajući OV upoznao je Vijeće sa tekućom poštom i to:

1. Zahtjev za ukidanje MZ Neprivaj i pripajanje MZ Dabravine dostavljen od zamjenika predsjednika Idriz Trebo 11.02. 2026. godine. Služba za opću upravu, društvene djelatnosti i BiZ, po Zahtjevu dostavila je Očitovanje broj: 02/2-041/26 od 25.02. 2026. godine.
Nije bilo rasprave i predsjedavajući OV stavio je na izjašnjavanje sljedeći

Zaključak

1. **Prihvata se Očitovanje Službe za opću upravu, društvene djelatnosti i boračko-invalidsku zaštitu, broj: 02/2-041/26 od 25.02. 2026. godine o Zahtjevu za ukidanje MZ Neprivaj i pripajanje MZ Dabravine podnesenom od strane Trebo Idriza iz Neprivaja dana 11.02. 2026. godine**
2. **Odbacuje se Zahtjev za ukidanje MZ Neprivaj i pripajanje MZ Dabravine podnesen od strane Trebo Idriza iz Neprivaja dana 11.02. 2026. godine jer nije u**

skladu sa članom 54. Statuta Općine Vareš – prečišćeni tekst, broj: 01-162/12 od 11.09. 2012. godine.

3. **Zahtjev i Očitovanje iz tačke 1. čine sastavni dio ovog Zaključka.**
4. **Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa 19 glasova „ZA“ usvojeni predloženi Zaključak.

2. Molba za odobrenje korištenja parking prostora broj: 01-33-30519/26 od 11.02. 2026. godine dostavljena od Zavoda zdravstvenog osiguranja Zeničko-dobojskog kantona. Predsjedavajući OV podsjetio je Vijeće da je po ovom pitanju Kolegij OV donio Zaključak i da je i ranije bilo sličnih zahtjeva od pojedinih subjekata, te istima nije se moglo udovoljiti iz opravdanih razloga. Skrenuo je pažnju da u neposrednoj blizini Poslovnice Vareš ZZO postoji gradski parking prostor.

Vijećnik Dario Dodik predložio je da Služba za prostorno uređenje izađe na teren i izvrši provjeru saobraćajnih znakova (za parking) i utvrdi da li su u skladu sa Odlukom o utvrđivanju površina za parking mjesta.

3. Izvještaj o zimskom održavanju lokalnih puteva, ulica, trotoara i stepeništa za mjesec decembar 2025. godine i januar 2026. godine, broj: 02-3-254/26 od 14.02. 2026. godine dostavljen od službe za prostorno uređenje. Vijećnik Igor Hinger uz pojašnjenje izjavio je da nije zadovoljan održavanjem regionalnog puta. v.d. općinskog načelnika Malik Rizvanović upoznao je Vijeće da je Općina Vareš uputila nekoliko urgencija Kantonalnoj direkciji za ceste i ukazala na neadekvatno održavanje regionalnog puta od strane izvođača radova i da će i dalje nastojati da se taj problem riješi. U daljnjoj raspravi su učestvovali: pomoćnik načelnika Ibrahim Spahić, vijećnik Igor Hinger, vijećnik Dario Dodik, vijećnik Nermin Hrvat i pomoćnik načelnika Ermin Musa koji je izjavio da je u vezi neadekvatnog održavanja regionalnog puta Općina Vareš kontaktirala nadležno Ministarstvo, Kantonalnu direkciju za ceste, nadzor i izvođača.
4. Vijećnik Igor Hinger zatražio je od v. d općinskog načelnika da na sastanku koji će se održati iduće sedmice sa ministrom za prostorno uređenje, promet, komunikacije i zaštitu okoline skrene pažnju na zaštićeno područje planine Zvijezde i uspostavljanje sjedišta u Varešu i da traži informaciju o projektu utopljanja (sufinansiranje zamjene peći na čvrsto gorivo sa toplotnim pumpama).

Sjednica je završena u 13.55 sati.

Sastavni dio ovog Zapisnika je audio zapis 13. sjednice OV Vareš.


SEKRETAR
OPĆINSKOG VIJEĆA

Mersad Đido



ZAPISNIČAR

Azra Pijadžer

PREDSJEDAVALJUĆI
OPĆINSKOG VIJEĆA

Igor Šimić